

جَزَائِر مَحَاكِر

جمعه ایرتسی

نومرو	صفر	سنه	تموز	سنه	صیغه
۷۸۲	۹	۱۳۱۲	۳۰	۱۳۱۰	۱۱۶۲۹

(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می غروش)
 (حسابیله التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکر می غروش اولق اوزره یوز پاره یه هر یرده صاتیلور . درج اولنه جق)
 (اعلا ناک هر برندن بر مجیدیه اخذ اولنور . سنه لکنه مشتری اولق استیانلر عدلیه نظارتی)
 (داتره سنده کائن جریده محاکم اداره سنه مراجعت ایلملیدر)

قسم غیر رسمی

(خداوندکار استیناف محکمه سندن ۲۲ مایس)
 (سنه ۳۰۰ تاریخی و سکر عددی ایله ویریلان)
 (اعلامک مابعدی)

مستدعی تمیزک امضاسی تحتنده بوانان
 علم و خبرده ادعا اولنان مقدار ذخیره نک قبضه
 دائر صراحت موجود اولدینی و بش بیک
 غروشی متجاوز دعا ویده شاهد استماعی قانوناً

جائز اولیوب مع مافیة شاهدلرک تزکیه لری دخی
 اجرا قلمدینی بیانندن عبارت بولنمشدر .

ایجابی مذاکره اولدقدده اعلام مذکور
 مطالعه سندن اکلاشلدینی اوزره محکمه استینافیجه
 استماع اولنان شهودک شهادتیرینه نظراً مدعا به
 ذخیره مرقوم زوئینک دینی اولدینی بیانیله
 تحصیلنه حکم ویرلمش اولوب انحق درجه اولی
 محکمه سنجه حکم واقع چفتلک قیوداتنه مستند
 اولفله محکمه استینافیجه مستأنفک ادعاسی قبوله
 مقارن و بدایت محکمه سنک تدقیقاتی نقصان
 کور یلهرک استینافاً دعوای اساسیه حقنیده بشقه جه

اجرای تدقیقاته لزوم بولندینی حالدہ اصول محاکمہ
حقوقہ قانونک یوزطقسان التبعی ماده سنده محرر
اولدینی وجهله اعلام ابتدائیک فسختدن صکره
استینافاً یکیدن رؤیت دعوی اولنسی لازم کلور
ایکن عندالاستیناف اعلام ابتدائی فسختدن ایلمکسزین
اساس ماده حقننده شهود استماع ایلمسی واقمه
اولنان شاهدلردن برینک شهادتی کندی فعلنه
دائر اولدینی حالدہ شهادت مذکورک قبولیه
بلا تزکیه اکا بنای حکم ایلمسی مجله نک بیک
یدیوزدرنجی ماده سنه مخالف اولدینغه ومستدعی
مرقومک اعتراضی شایان قبول بولندینغه بنسأ
اصول محاکمہ حقوقیه قانونک ایکوز اتوز
ایکمنجی وایکیوز قرق برنجی ماده لری موجبجه
اعلام مذکورک نقضیه قانون مذکورک ایکوز
قرق دردرنجی ماده سی حکمنه توفیقاً یکیدن رؤیت
دعوی اولنقی اوزره کیفیتک محکمہ مذکوریه
اعاده سنه وزیرده مفرداتی مرقم درتیوز الی اوج
بحق غروش مصارف تمیزیه نک ایلروده حقسز
حقیقه جق طرفه رجوع ایتک اوزره اول امرده
مستدعی مرقومدن النسنه ۱۸ کانون اول
سنه ۳۰۲ تاریخنده متفقاً قرار ویریلرک
تفهیم قلندی .

اعلام مذکورک خلاصه مالی مرقوم
خلف الحاجینک برادری علی الحاجی ایله مشترکاً
متصرف اولدقلری دیر قصبه سنک شیخ بش
مجلس سنده کائن یکدیگرینه متصل معلوم الحدود
ایکی باب خانه ایله عبدالعزیز مجلس سنده واقع دیگر
بر باب خانه نک بش حصه اعتباریه بر حصه سی
ویوسف اغا چارشوسنده کائن ایکی باب دکانک
نصفی برادری مرقوم علی الحاجینک اسبق زور
صندوق امینی یوسف راجی افندی یه اولان

کفالنندن طولابی خزینہ جلیله یه دینی بولنان
مبالغت استیفاسی ضمننده مستقلاً مرقومک مالی
ظنیله تحت جزء النمش اولدینندن بختله کندی
حصه سنه موضوع جزک فکنی طلب و دعوی
ومذکور شیخ بش مجلس سنده واقع خانه لک
مبنی بولندینی عرصه لری مرقوم خلف الحاجی
وساثره نک بالاشتراك تفرغ ایتش اولدقلری حالدہ
یالکرمز بور علی الحاجی نامنه طابوسندی ویرمش
اولسنه مبنی مرقومونک حصه لری نه کوره
هر بر یسنه آرو آرو سند اعطا قلنسی حکمنی
ناطق بر قطعه اعلام ابراز و اعطا و مرقوم
علی الحاجی دخی املاک مذکوریه مدعی مرقوم
ایله مشترک ایدوکتی عندالحاکمه اقرار و انبا
ایلملرینه قارشو خزینہ مشارالیه وکیل مذکور
عبدالعزیز مجلس سنده کی خانه اوج حصه اعتباریه
مرقوم علینک ملکی اولوب یالکرمز مرقومک
حصه سی تحت جزء النمش وشیخ بش مجلس سنده
واقع خانه لر مستقلاً مدیون مرقومک ملکی
اولدینی قیود خاقانی ایله مثبت اولدینی کبی
سالف الذکر دکانلر دخی فی الحقیقه ایکی باب
ایسه ده عندالتقسیم درت باب اعتبار اوله رق ایکی
بابی مرقوم علی الحاجینک ملکی بولندینندن جز
معامله سی بونلر حقننده اجرا ایتدیرلش اولدینی

درمان ایتسیله اولبابده استماع شهود اولندقدن
صکره اجرا قلان تحقیقات نتیجه سنده مذکور
شیخ بش مجلس سنده کائن ایکی باب خانه نک نصفی
مدعی مرقوم خلف الحاجینک ملکی بولندینی
اکلاشلمش اولدینندن مجله نک بیک سکر یوز
اون سکرنجی ماده سی حکمنه توفیقاً بونلره وضع
اولنان جزک فکنه ومذکور چارشوده واقع
بر باب دکانک مرقوم علی الحاجی ایله جامع المحمد
ناملرینه مقید اولدینی دفتر خاقانی مأموریتک
اشعارندن اکلاشیلررق عبدالعزیز مجلس سنده واقع
خانه نک ایسه علی الحاجی یه عائد بولنان یالکرمز
اوجده بر حصه سی محجوز بولنش اولدینی بیانیه
مدعینک بونلر حقننده کی ادعاسنک ردیه اولبابده کی
جزک تأییدینه حکمدن و مستدعی خزینہ
مشارالیه وکیل رشید افندینک اشبوحکم علیه نه
درمیان ایلدیکی باشلوجه اعتراضی دعوی واقعه
اموال دولته عائد بولنش ایکن مدعی عمومینک
اثنای محاکمه حاضر بولندیرلماسی و خزینہ
جلیله یه رسماً تبلیغ قلنمیان بر اعلامک اوراق
ثبوتیه دن عد اولنسی یولسز و قانونه مغایر
اولدینندن بختله اعلام مذکورک نقضی استدعاسندن
ومعاون مومی الیهک مطالعه سی دخی دعوی
مذکورہ اموال دولته دائر اولدینی حالدہ مدعی

عمومینک مطالعه سی استماع قلمامش و ایکی رادر
بیننده املاک منازع فیها نك مشترك اولدیغنه دائر
بدایه و یریلان حکمک خزیننه جانبندن اقامه
اولنان دعوان مقدم اولوب اولدیغنك و املاک
مذكوره نك مشترك اولدیغنی دفتر خاقانی مأموریتندن
جواباً بیلدیرلش ایسه ده کیملر بیننده مشترك
اولدیغنك تحقیق و استیضاح قلمامش اولسنه منبی
اعتراضات واقعه نك موافق قانون اولدیغنی بیانندن
عبارت بولمیشدر .

ایجابی مذاکره اولندقدده اعلام مذکور
مألندن مستبان اولدیغنی اوزره دعوی واقعه نك
اموال دولته متداثر اولسنه کوره انشای محاکمه سنده
مدعی عمومینک حضوریه مطالعه سی استماع قلمامش
تشکیل محاکم قانوننك التمش بشنجه ویتش برنجی
ماده لری احکامی اقتضاسندن اولدیغنی حالده مأمور
مومی الیهک استماع قلمامش و منازع فیها اولان
املاک مشترك اولدیغنی مبین عندالحاکمه ابراز
اولنان اعلامک خزیننه جلیله جانبندن اقامه
اولنان دعوان مؤخر اولوب اولدیغنك تحقیق
و دفتر خاقانی مأموریتندن ورود ایدن تذکره
جوابیه اوزرینه املاک مذکور نك کیملر بیننده
مشترك بولندیغنك استیضاح و تدقیق ایدلسی قانوناً

محکمه استیناف حقوق قسمندن ۱۶ ایلول
سنه ۳۰۸ تاریخی و یوزالی درت عددی ایله اعطا

قلمنان اعلامک تمیزینی استمدایدن اورته کویده
دره ایچنده مقیم بفعجوان اوغلی عوادیس افندی
وکیللری تقفور و مغردیج اساسیان افندیلر ایله
تمیز علیه مالیه خزیننه جلیله سی و کیلی رشید
افندی یوم معینده دائره کلدکلرندن ایضاحات
شفاهیله یله باش مدعی عمومی معاونلرندن سعادتلو
یورغا کی افندی نك مطالعه سی استماع قلمامش نصکره
تدقیقات تمیزیه اجراسنه ابتدار اولندی .

اعلام مذکورک خلاصه مالی خزیننه
مشار الیه ایله بفعجوان اوغلی کیغورق افندی
بیننده متحدث الاجق دعواسنه دائر ملغا دیوان
احکام عدلیه محاکمات دائره سندن و یریلان اعلامک
اعاده محاکمه طریقله محکمه استیناف حقوق
قسمنده انشای رؤیت و تدقیقنده مومی الیه
عوادیس افندی نك دعوی واقعه ده کندوسنك
دخی علاقه دار اولدیغنی و خزیننه مشار الیه دارن
اولباده اعطا قلمنان سند مومی الیه کیغورق افندی
ایله مشترکاً کندی نامه مرقم بولندیغنی جهتله
محاکمات جاریه ده کندوسنك دخی حاضر
بولندیلمسنی باعرضحال طلب و ادعا ایتش ایسه ده
داخل دعوی اولق حقتنده کی قواعد قانونیه نك
باشلوجه سی دخالت ایدلک استینافان دعویاه دائر

و یریلان اعلامک مداخل دعوانک حقوقی
سکته دار ایتسیله مشروط و مقید اولوب مذکور
محاکمات دائره سی اعلامک حکمی ایسه مومی الیه
کیغورق افندی نك لهنده اولسنه نظر آ مومی الیه
عوادیس افندی نك ادعا ایلدیگی وجهله کیغورق
افندی ایله شریک اولدیغنی صورتده حکم مذکور
کندوسنك دخی لهنده دیمک اوله جفته منبی
بوخصوصده اعتراض الغیر ادعاسنه و بنابرین
دخول دعویاه محل اولدیغنه قرار ویرلدکن
و خزیننه مشار الیه ایله کیغورق افندی بیننده کی
دعوانک ا کمال رؤیتی وقت آخره تعلیق قلمندقدن
صکره مومی الیه عوادیس افندی جانبندن تکرار
برقطعه عرضحال اعطاسیله کیغورق افندی نك
اخیراً وقوع و قاتیله بیئلرنده کی شرکتدن طولای
صفت وکالت قلمامش و محاکمات دائره سی اعلامیله
خزیننه مشار الیه دارن رد و اعطاسنه قرار و یریلان
اقچه نك نصفی کندوسننه عائد اولوب بو جهت
کیغورق افندی ورنه سیله خزیننه مشار الیه اجه
دخی معترف بولنش اولغله کندوسنك محاکمه یه
ادخالنی و بالحاکمه تبیین ایده جک مطلوبنك مع
فائض خزیننه مشار الیه دارن تحصیلنی طلب و دعوی
ایتش ایسه ده مومی الیه عوادیس افندی نك داخل
دعوی اولسی طلبنی متضمن اولجه اعطا ایلدیگی

عرضحالک ردینه دائر مقدما ویریلان قراردن
طولانی افندی، مومی الیهک شمعی به قدر محکمه
تمیزه مراجعت ایتمش اولسنه و بوقوله استیناف
قرارلرینک تمیزاً نقض اولندقجه انک خلافنده
تکرار قرار اعطاسی غیر جائز ایدوکنه مبنی
مومی الیه عوادیس افندینک عرضحال اخیرینک
دخی ردینه حکمدن و مستدعی تمیز عوادیس
افندی وکیللرینک اشبو حکم علیهنده کی اعتراضاتک
باشلوجه سی متوفای مومی الیه کیغورق افندی
جانبندن محاکات دائره سی اعلامی علیهنده اعاده
محاکمه ایدلش ایکن اعلام مذکور حکمک لهنده
ظنیه موکلنک دخول فی الدعوی حقنده ایلک دفعه
ویرمش اولدینی عرضحالک مدعی عمومی استماع
قلمقسزین رد ایدلسی یولسز اولدینی کی اخیراً
مومی الیه کیغورق افندینک وفاتی جهتهله موکلی
بیننده کی شرکتک و آنک تضمن ایلدیکی صفت
وکالتک دخی حکمی قلامش و بوجهتهله دعوايه
دخوله حق قانونی درکار بولنش اولدینی حالده
استینافاً اشبو سبب جدیده دخی قطعاً التفات
اولنیهرق داخل دعوی طلبی حاوی عرضحال
اخیرک دخی برمنوال محرر ردینه قرار ویرلسی
قانونه مقایر اولدیندن اعلامک نقضی و تمیز علیه
خزینته مشارالیه وکیلک نتیجه جوابی طرفیندن

ایجابی مذاکره اولندقه اعلام مذکور
مندرجاتندن منقهم اولدینی اوزره محکمه
استینافیه جه مومی الیه عوادیس افندینک داخل
دعوی اولسی طلبی حاوی اول و آخر اعطا
ایلدیکی عرضحاللرک ردینه قرار ویرلش ايسهده
اعاده درست تدقیق اولان سالف الذکر محاکات
دائره سی اعلامک متوفای مومی الیه کیغورق
افندینک تمامیه لهنده اولدینی اعلام مذکور

علیهنده مومی الیهک و قنیه اعاده محاکمه به قیام
ایتمش اولسلیله متین اولدینی کبی مومی الیه
عوادیس افندینک ایلک دفعه ویرمش اولدینی
عرضحال اوزرینه اعلام مذکورک نه جهتهله
حقوقه طوقدینی ماده سی بالمحاکمه تدقیق و بوبابده
مدعی عمومینک رأی و مطالعه سی استفسار اولنهرق
اکا کوره برقرار ویرلسی لازم کلورایکن بلا محاکمه
عرضحال مذکورک ردی یولسز اولدینی کی
افندی، مومی الیهک اخیراً اعطا ایلدیکی عرضحالده
دخی شریکی مومی الیه کیغورق افندینک وقوع
وفاتیه بینلرنده کی شرکت و آنک تضمن ایلدیکی
دخالتک منفسخ اولدینی بیانیه دعوايه ادخال
ایدلسی طلب اولنش اولغله محکمه جه اشبو سبب
جدیده بناء متوفی کیغورق افندی الیه مومی الیه
عوادیس افندی بیننده کی شرکتک نوعی تحقیق
اولنق و دعواي واقعهده عوادیس افندینک
حقوقه تعلق و سکتته ایراث ایدن جهت استیضاح
اولنهرق برقرار ویرلک لازم کلورایکن محکمه جه
مومی الیهک ایکنجی دفعه ویرمش اولدینی
عرضحالک دخی مقدما لاحق اولان واسباب
محرریه مبنی یولسز بولنان قرارک بقاسندن بجهله
رد اولنشی قانونه مقایر و مستدعی تمیز وکیللرینک
اعتراضاتی بوجهتله متفرع و موافق نفس الامر

اولوب معاون مومی الیهک مطالعه سی شایان قبول
کوریله مدیکنه بناء اصول محاکمه حقوقه
قانونک ایکوز اوتوز ایکنجی ماده سی موجبجه
اعلام استینافی مذکورک نقضیه قانون مذکورک
ایکیوز قرق دردنجی ماده سی حکمنه توفیقاً کیفیتک
یکیدن بالرؤیه اعلامه ربطی ضمننده قسم مذکوره
اعاده سنه وزیرده مفرداتی مرقم درتیوز اون
طقوز یحق غروش مصارف تمیزیه نک ایلروده
محسز حقیقه حق طرفه رجوع ایتک اوزره اول
امرده مستدعی تمیز عوادیس افندینک التمسینه
۱۱ کانون ثانی سنه ۳۰۸ تاریخده اکثریت آرایله
قرار ویریلهرک تفهیم قلندی .



محکمه استیناف حقوق قسمندن ۲۳ ایلول
سنه ۳۰۸ تاریخی و یوزالتش برعددی ایله صادر
اولان اعلامک تمیزینی استعدا ایدن بکقوزده
چنار التی جوارنده نومروسز خانهده ساکن
کرچی دیمتری و برادری اطناشک وکیلی مختار
افندی ایله تمیزعلیهما قاسم پاشاده واقع کرچی

مغازه سنده مقیم اصناف مرقومه دن قسطی و برادری یانی بکقوزده امور یری جاده سنده کائن پاپاس اوغلی کرچخانه سی دینمکه معروف طاش معدنیه کرچ اوچاغک یوز یکر می سهم اعتبار به یتش سهمنه دیمتری واطناش والی سهمنه دخی کندولری متصرف اوله رق مذکور کرچ و طاش اوچاقلرینک ایکیشر سنه استعمال ایدیلوب ختام مدتده محل مذکور شریکته تسلیم ایده جک طرفک کرچخانه ده موجود اشیا نک قیمتی بعدالتقدیر یکر می بیک غروش اعطا و مقاوله احکامنه رعایت ایتیان طرفک دخی تضمینات اوله رق یوز لیرا ایضا ایتشی مقاوله ایدلمش و کندولری محل مذکور ایکی سنه استعمال ایلدکن صکره مرقومان دیمتری واطناش تسلیم ایتلرینی تکلیف ایتش اولدقلری حالد مرقومانک احکام مقاوله به رعایت ایتدکری کبی جهات سارده دن آروجه مطلوبلری اولان الی بیک ایکوز یتش اوچ غروشک دخی تأدیه سندن

استسکاف ایتش اولدقلرندن بختله مبالغ مذکور نک مرقومان دیمتری واطناشدن تحصیاتی بکقوز بدایت محکمه سنده طلب و دعوی و شرائط مذکور بی حاوی برقطعه مقاوله نامه ابراز و اعطا ایتلرینه قارشو مرقومان دیمتری واطناش دخی منازع فیه کرچ و طاش اوچاقلرینی مدعیلرک کندولرینه و قتیله تسلیم ایتماش اولدقلری جهته بدل تضمین اولان یوز لیرا ایله حین تسلیمه قدر گذران ایدن مدت اجرتی مدعی علیه مانک اعطایه مجبور یتی درکار اولدینی کبی مبرز مقاوله نامه دن مقدم مدعیان مرقومانک محل مذکور استعمال ایلدکری بش سنه مدتدن هنوز حسابی قطع اولغیان ایکی سنه لک دردر بیک غروشدن سکر بیک غروش اجرتندن حصه لری به عائد درت بیک التیوز التمش یدی و مقاوله نامه موجبجه کندیلرینه عائد بولندینی حالد مدعیلره الحار ایدلمش اولان ایکی سنه لکدن متباقی اوچ یوز و کندولرینک فضله اولان حصه لرندن طولانی مدعیلرک نوبتلرندن بر موجب مقاوله کندولرینه یریلسی مشروط اولان بیک اوچ یوز و توز و بدل تضمین اولان اون بیک سکر یوز و نوبت تصرفلرندن شمعی به قدر مرور ایدن یدی آیلقدن حصه لری به اصابت ایدن درت بیک التیوز التمش یدی غروش که جمعا

یکرمی بر بیک یدیوز التمش یدی غروشدن مدعیلرک تبیین ایده جک مطلوبلرینک محسوبیله اوست طرفک کندولرینه اعطاسنی و محل مذکورک تسلیمنی مدافعه ادعا ایتلری اوزرینه محل مذکورده معمول و غیر معمول اوله رق موجود اولان طاشلرک بهر قیه سنک تقدیر فیثاتی ضمننده محکمه جانبندن تعیین قلنان نائب و طرفیندن منتخب ارباب و قوف معرفتیه کشفیات لازمه اجرا قلندقدن صکره مدعیان مرقومان قسطی و یانی محل مذکورک و یرکوسندن بیک سکر یوز قرق بر و فرونک مصارف انشائی سندن درت بیک اوچ یوز الی سکر غروش که جمعا الی بیک یوز طقسان طقوز غروش الاجقلری اولدیفندن بختله مبلغ مذکورک دخی تحصیاتی ادعا ایتلرینه قارشو مدعی علیه دیمتری واطناش مصارفات مذکور امر لری به وقوع بولش ایسه ده مدعیلر طرفندن اولجه کندولرینه ابراز اولنان پوصله ده مجموع مصارفک اوچ بیک ایکوز بش غروشدن عبارت ایدوکی کوسترلش اولدیفندن اوست طرفی مدعیلرک اثبات ایتشی لازم کله جکنی درمیان ایتلری اوزرینه اشبو مصرف جهتنندن طولانی مدعیلرک امین اوللری جهته فضله ادعای حقه ده مدعیلرک تحلیفه و مدعی علیه

جانبندن بالمقابله اقامه اولنان دعوانک کندولرینک اقامتگاهی اولان بک اوغلی بدایت محکمه سنده اقامه سی لازم کله جکی یولنده مدعیان مرقومانک وقوع بولان ادعایرینک ردینه قرار و یرلکدن و قرار مذکور علیه ده کی استیناف استدعایرینک ردندن صکره بدایه تکرار جریان ایدن محاکمه نتیجه سنده مرقومان اطناش و دیمترینک معمول طاش بهاسندن طقوز بیک سکسان اوچ بچق و یرکودن بیک سکر یوز قرق بر و طاشلری استیف بهاسندن التیوز یکر می بش و فرون تعمیرندن درت بیک ایکوز الی یدی و تسویه ترایه ایچون اوچ بیک ایکوز قرق و اون درت بیک چکی طاش بهاسندن یدی بیک غروش مدعی علیه مانک مطلوبلری اولدینی لفاده و اتیان و مدعی علیه مرقومان دخی معمول طاش بهاسی اولان طقوز بیک سکسان اوچ بچق غروشله و یرکویه و یریلان اقچه دن حصه لری به اصابت ایدن اقچه نک و فرون تعمیری ایچون بیک التیوز ایکی بچق غروشک بورجلری بولندینی تصدیق و بیان و مرقوماندن اطناش دخی اون درت بیک چکی طاش مرقوماندن دیمتریدن الدینی درمیان ایتش اوللری به سبق ایدن تدقیقات نتیجه سنده فضله مصارف حقه ده قرار سابق

وجهه مدعیلرک تحلیفی مدعی علیهمانک طالب اولوب اولدقلرینک استیضاحنه و بر موجب مقاوله او جاقلری تسلیم ایدیه جک طرفک او جاقلر دروننده موجود یکریمی بیک غروشلق طاش المغه مجبوریتی اولوب مذکور اون درت بیک چکی طاشک دخی او جاقلرده موجود اولسنه مبنی قیمتی اولان یدی بیک غروشلق مدعی علیهما جانبندن مدعیلره اعطاسنه و مذکور کرج و طاش او جاقلرینک امر تسلیمک دوچار تأخر اولسی طاشلرک قیمتلی خصوصنده اختلاف وقوعنده نشأت ایدوب بوکا ایسه عدم تسلیم دینله میه جکته بناء مدعی علیهمانک یوزلیرا ضرر روزیان دعواسنک و اخیراً زیاده مصارف حقنده مدعیلرک یمیندن نکول ایلرله مدعیلرک دخی زیاده مصرف دعوالرینک ردینه دائر محکمه مذکوره دن صادر اولان اعلام علیهنده مرقومان اطناش و دیمتری محکمه استیناف حقوق قسمنه مراجعتله استیناف دعوی ایدرک اولکی ایکی سنه لک بدل ایجاردن اولکی سنه لک بدل ایجار لاحقندن او چیوز و فضله سهمندن ناشی اعطایه مشروط اولان بیک او چیوز اتوز غروش حقنده کی ادعایینک درجه اولی اعلامنده مسکوت عنه بر اقلمسندن ناشی اعلام مذکورک فسخی استینافاً ادعا ایلدکلی حالده اشبو ادعایک اخیراً بدایت محکمه سنججه تکرار اولمديغندن بختله ردیه اعلام ابتدائینک تصدیقه قرار ویرلسی مفایر قانون اولدیفندن بختله اعلام مذکورک نقضی استدعاسندن

و میز علیهما بانی وقسطینک نتیجه جوابلری دخی مرقومانک بدل ایجار حقنده درمیان ایلدکلی ادعایی درجه اولی محکمه سنده تکرار ایتماش اولدقلری جهتله اعتراضات مسروده نک واهی اولدیفنی بیانیه ردی و اعلام مذکورک تصدیقی طلبندن عبارت بولمشدیر .

ایجابی لدی المذاکره تمیزی طلب اولنان اعلام استیناف مذکور مندرجاتندن منقهم اولدیفنی اوزره طرفین متخاصمین بیننده تنظیم و تعاطی قلنان مقاوله نامه موجبنجه مهابة صورتیه استعمالی مقرر اولان منازع فیه کرج و طاش او جاقلرینک وقیله عدم تسلیمندن و دروننده موجود طاشلرک بدلی اعطا قلنامسندن طولایی مرقومان قسطلی و یانینک اقامه ایلدکی یوزلیرا تضمینات و یکریمی الی بیک کمور غروش طاش بدلی و مصارف سائره دعواسنه قارشو مدعی علیهما اطناش و دیمترینک دخی بالمقابله جهات متعدده طلب ایلدکلی مبالغدن طولایی سبق ایدن محاکمات و تدقیقات نتیجه سنده مدعیلرک مذکور طاش و کرج او جاقلرنده کی فرو نک مصارف انشائیهمی حقنده فضله ادعایندن طولایی کندولرینه توجه ایدن یمینک اجراسندن نکول

ایتماش اولملرله فضله مصارف حقنده کی ادعایینک ردینه و مذکور او جاقلرده موجود بولمديغی عندالکشف تحقق ایدن اون درت بیک چکی طاشک قیمتی اولان یدی بیک غروشلق معمول طاش بهاسی و ویرکو و تعمیراتدن طولایی مدعی علیهمانک قبول و تصدیق ایلدکلی مبالغ مدعی علیهما جانبندن مدعیلره اعطاسنه و محل مذکورک وقت معیننده تسلیم اولمديغی بیانیه مدعی علیهمانک بالمقابله طلب ایلدکلی یوز لیرا تضمینات ادعایینک ردینه دائر بکقوز بدایت محکمه سندن صادر اولان اعلامک استینافاً تصدیقه حکم ویرلس و اعلام مذکورک بو جهتله متفرع احکامی موافق قانون بولمیش ایسه عندالاستیناف مرقومان دیمتری و اطناشک مدعیلر ذمتنده ایکی سنه لک بدل ایجار سابقدن درت بیک التیوز التمش یدی و ایجار لاحق بدلدن او چیوز و تقاص و محسوبی لازم کلان بیک او چیوز غروش حقنده بدایت بالمقابله درمیان ایلدکلی مطلوبات دعوالرینک اعلام ابتدائیه مسکوت عنه قالمش اولمسندن ناشی عندالاستیناف اعلام ابتدائی مذکورک فسخی حقنده کی طلب و ادعای اوزرینه ادعای مذکورک بدایت بلا اسباب قانونیه مسکوت عنه بر اقلمسندن طولایی محکمه استینافیه جه

اعلام مستأنف به مذکورك فسخه قرار
وير به رك اول باده كي ادعائك آروجه تدقيقه
حاصل اوله حق نتیجه كوره حكم اولغسی امور
لازمه دن بولنديني حاله اشبو ادعائك اخيراً
درجه اولی محكمه سنه مراجعت وقوعه تکرار
ايدلماش اولديني سر رشته سيله ردینه قرار
ويرلسی يولسز و قانونه مغاير و مستدعی تمیز
ديمتري واطناش وکیلک بوجهه متدائر اعتراضی
موافق نفس الامر کورنمش اولديغه بناءً اصول
محاکمه حقوقیه قانوننك ايکوز اوتوز ايکنجی
ماده سی موجبجه اعلام مذکورك يالکز بوجهه
متدائر فقره حکمیہ سنك قضیله جهات سائر
حکمیہ سنك تصدیقه و اعلام مذکورك تصدیق
اولنان جهندن طولای النسی لازم کلان ايکوز
سکسان غروشك مستدعی تمیز مرقومانه رجوع
ایتمك اوزره اول امرده میز علیهمادن وزیرده
مفرداتی مرقم بشیوز یکر می سکر بچق غروش
مصارف نقضیه نك دخی ایلروده حقسز چیه حق
طرفه رجوع ایتمك اوزره اول امرده مستدعی
تمیز لردن النسنه ۹ شباط سنه ۳۰۸ تاریخده
متفقاً قرار وير به رك تفهیم قلندی .

اعلام مذکورك خلاصه مالی مزبور
اسماعیل اغا و مخدومی حافظ فرهاد افنديك
مشترکاً الترام ایتش اولدقلى سلطان یری
قضاسی داخلنده واقع یونس وجوبان قریه لرینك
سکسان یدی سنه سنندن طقسان بر سنه سنه دکن
بش سنه لك اعشارندن طولای مرقوم سلیمان اغا
ذمتنده بادقتر الاجقلى اولان بیک درتیوز
التمش الی غروشك تحصیلی حقنده مزبور اسماعیل
اغاك بالا صاله و مخدومی فرهاد افندی طرفندن
بالو کاله اقامه ایلدیکی دعوايه قارشو مرقوم سلیمان اغا
کندوسنك متصرف اولديني ايکی قطعه ترلادن

قبایر لا دیمکله عریف بر قطعه سی کرچه مذکور
یونس وجوبان قریه لری حدودی داخلنده ایسه ده
دیگرینك قریتین مذکور تینك حدودی خارجنده
اوله رق قدیماً عشر اعطا ایتیمان مستثنا اوقافدن
وسید بابا اراضی سنندن ایدو کئی بیان ایله مذکور
قبایر لارنك بش سنه لك اعشار بدلی اولان یوز
غروشك اعطاسنه مهیا اولديني مدافعه تذکار
ایدوب مذکور اراضینك مستثنا اوقافدن اولديغه
دائر بر قید بولنديني لدی الاستعلام طابو کتابتندن
بیلدیر لکدن صکره مدعی علیه سلیمان اغا ثبوت
مدعا ضمنتده درت قطعه فرمان عالیشان ایله
حدود نامه مقامنده بر قطعه ورقه عادیه ابراز
ایتمش ایسه ده فرامین عالیه مال منیقلری سید محمد
اراضی سنك معرفت شرع ایله تعیین و تحدید
حدودی متضمن حجت شرعیه اولوب اولديني
مدعی علیه سلیمان اغادن لدی السؤال بوبابده
تحقیقات اجراسیله موجود ایسه ابراز ایده جکئی
بیان ایلدیکی حاله کتور میوب اخیراً حجت
مذکور نك وجودندن بحتله ابراز ایتمك اوزره
سکر کون مهل طلب ایدوب بوا یسه امرار وقت
مقصودینه مبتنی بولتمش اولديندن دوام محاکمه
دائر ویریلان قرار اوزرینه طرفینك بر درجه
قدر وجاهاً محاکمه لری اجرا قلنديني حاله اخيراً

تعیین قلنان کونده مرقوم سلیمان اغاك اجابت
ایتماسی جهته وکیل مسخر حضور یله جریان
ایدن محاکمات و تدقیقات نتیجه سننده ملتزم مزبور
حاجی اسماعیل اغا و مخدومی فرهاد افنديك
سین مذکور اعشارندن طولای سلیمان اغا
ذمتنده مذکور چوبان و یونس قریه لری امام
و مختارانی طرفلرندن صدق تشییر دفتری
موجبجه اون کیل ایکی شنك خطه و اون اوچ
کیل مصر ایله قرق قیه فصولیه الاجقلى اولديني
تین و نظاهر ایتش و ذخائر مذکور مثلاً بدن
بولتمش اولديغه بناءً عیناً مزبور سلیمان اغادن
تحصیلنه غیباً حکمدن و مستدعی تمیز سلیمان اغاك
اشبو حکم علیهنده لایحه سننده محرر اعتراضاتك
باشلوجه سی متصرف اولديني اراضی سنك عشر
اعطا ایتیمان مستثنا اوقافدن اولديني فرامین عالیه
ایله مصدق اولغسله برابر بوجهتی تواتراً اثباته
حاضر اولديني حاله محكمه جه بلا تحقیق بر منوال
محرر قرار ویرلسی مغایر قانون اولديندن بحتله
اعلامك نقضی و میز علیهمادن حاجی اسماعیل
اغاك نفسندن بالا صاله و مخدومی فرهاد افندی
طرفندن بالو کاله اعطا ایلدیکی لایحه ده مرقم نتیجه
جوابی دخی اعتراضات مسروده نك واهی
وبی اساس اولديني بیانیله ردی و موافق اصول

وقانون اولان اعلامك تصدیق استدعاسندن عبارت بولمیشدر .

ایجابی مذاکره اولندقدہ اعلام مذکور مندرجاتندن منہم اولدیفقہ کورہ بدایہ مدعی علیہ اولان سلیمان اغانک متصرف اولوب عشری طلب ایدیلاں اراضیدن قبا ترلا نام محل هر نقدر مزبور اسماعیل اغا و فرهاد افندیکنک تحت التزاملرنده بولنان مذکور بونس وجوبان قریہ لری حدودی داخلندہ ایسہدہ دیگرینک مذکور قریہ لری حدودی خارجندہ اولہرق عشر اعطایمیان مستثنا اوقافدن وسیدبابا اراضیسندن ایدوکنی عندالحاکمہ مدعی علیہ مرقومک بیان وادعا ودیکر طرف ایسہ اراضی مذکورہ نک اراضی امیریه دن اولوب عشرہ تابع ایدوکنی سردوانبا ایلمش اولملرینہ کورہ محکمہ جہ صاحب ارض مقامنہ قائم اولان اراضی مأموری ووقف مذکور متولیسنک حضوریلہ اراضی موقوفہ ایله قریتین مذکور تین حدودینک اصولی دائرہ سمنده تحدید و تعیین ایتدیریلہ رک تبیین ایدہ جک حالہ کورہ اولبابدہ برقرار ویرلمک لازم کلور ایکن بوجہ نظر دقتہ التامغله برابر مزبور سلیمان اغانک مذکور سیدبابا اراضیسنک شرعشریف معرفتیلہ تحدید ایدلایکینی

ناطق حجت شرعیہ موجود اولدینی بیانیلہ ابرازی ایچون طلب ایدلایکینی برہفتہ مهلك اعطا و حدود نامہ اولق اوزرہ ابراز اولوب مہری غیر معلوم دنیلان ورقہ نک درجہ حکم و قوتی ا کلا شلمق اوزرہ عیناً و یا خلاصہ اعلام ہمینہ بہ درج و املا و مذکور مہر حقندہ دخی تحقیقات لازمه اجرایی مقتضیات احکام قانونیہ دن اولدینی حالہ بو جہتلردن دخی ذہول اولنسی نقصانی تدقیقاتدن معدود کورینہ رک یولسز و اصول و قانونہ مغایر و مستدعی تمیز سلیمان اغانک اعتراضاتی موافق نفس الامر اولدیفقہ بناء اصول محاکمہ حقوقیہ قانوننک ایکوز اوتوزایکینجی و ایکوز قرق برنجی مادہ لری موجبہ اعلام مذکورک نقضیلہ قانون مزبورک ایکوز قرق دردنجی مادہ سی حکمنہ توفیقاً کیفیتک صور مشروحہ دائرہ سمنده یکیدن بالتدقیق اعلامہ ربطی ضمنندہ محکمہ مذکورہ اعادہ سنہ وزیردہ مفرداتی محرر درتیوز التمش ایکی بیق غروش مصارف تمیزیلہ نک ایلرودہ حقسنر چیقہ جق طرفہ رجوع ایتک اوزرہ اول امردہ مستدعی مزبور سلیمان اغادن التمش سنہ ۲ تموز سنہ ۳۰۷ تاریخندہ متفقاً قرار ویرلدی .

احمد و عبدہ اغالر دخی منازع فیہ اولان اراضی دولایی قریہ سمنده اولیوب ملتئم قریہ سی حدودی داخلندہ و برخیلی سنہ لردنبرو تحت زراعت و تصرفلرنده ایکن مدعی ورثہ مرقومہ نک مورثلری مابعدی وار

اعلان

ایوانسرایدہ کائن دقیق دکرمانی قصداً احراقہ تصدی ایتدکری ادعاسیلہ مظنون علیہما اولوب غیر موقوف بولنان اورتہ بویلی الا کوزلی ایریجہ برونی اورتہ اغزلی مدور چکلی بورشقی النلی سیاه قاش و صاچلی بیاض چهرہ لی کینی قضالی قنطار حیلردہ قہوہ جی حزارک دکانندہ مقیم اولوب ایوانسرایدہ انکلیرلینک دقیق قابریقہ سمنده عملہ لک ایدن اون بش اون التی یاشلرنده میقاتل ولد طروس ایله اورتہ بویلی الا کوزلی اورتہ برون

اطنہ بدایت محکمہ سندن ۲۶ مارت سنہ ۳۰۰ تاریخنی وایکی عددی ایله صادر اولان اعلامک تمیزینی استدعا ایدن اطنہ نک بورطاق محملہ سی اہالیسندن متوفی شیخ ذالقو ورثہ سی مخدوملری احمد حمدی و مسلم و علی افندیلر ایله کریمہ لری امینہ و عایشہ و طوطی و جوریه خانملر و کیلی نظیف افندی یوم معیندہ دائرہ یہ گلش ایسہدہ ہمین علیہما اطنہ نک قرہ طاش ناحیہ سنک ملتئم قریہ سمنده ساکن عرب قزینک اوغلی احمد و اتمکچی عبدہ اغالر کلدکلرندن یالکز وکیل مومی الیہک ایضاحات شفاهیہ سی استماع قلنہرق تدقیقات تمیزیلہ اجراسنہ ایتدار اولندی .

اعلام مذکورک خلاصہ مالی مومی الیہ احمد حمدی افندی ایله برادر و همشیرہ لرینک پدرلری متوفی شیخ ذالقودن انتقالاً قرہ طاش ناحیہ سنک دولایی قریہ سمنده کائن متصرف اولدق لری اوچ بیک دونم مقداری معلوم الحدود اراضیلرینی مرقومان احمد و عبدہ اغالرہ ایجار معروف ایله ایجار ایتمش اولدق لری حالہ مرقومانک فضولی مداخلہ یہ قیام ایتمش اولدق لرندن بختلہ مداخلہ واقعہ لرینک منعنی طلب و دعوی والتی قطعہ طاہو سندی ابراز واعطا ایتلرینہ قارشو مرقومان

واغزلی مدور چکلی بوروشق النلی سیاه قاش
وصاچلی اسمر چهره لی ایوانسرایده دقایق
فاریقه سنده مقیم قایشچی یکر می بش یاشنده اطام
ولد حاجیک فمل مذکورہ جرأتلری
اکلاشامش و حرکتلری قانون جزانک یوز
التمش دردنجی ماده سی حکمنی مسئلزم افعال
جنائیہ دن بولندیغندن اصول محاکات جزائیہ
قانوننک مواد مخصوصه سی احکامنه توفیقاً
مرقومانک در سعادت جنایت محکمه سنده محاکمہ لری
اجرا اولمق اوزره جنایتله اتهاملری نه قرار
ویرلدیکندن مرقومان هر زرده کور یلور ایسه
طوتیلوب محکمه مذکورہ توقیفخانه سنه تسلیمی
لازم کله چکی بالجمله ضابطه عدلیه مأمورلری نیک
معلومی اولمق اوزره اشبواخذو گرفت مذکره سی
بالتنظیم اعطا قلندی .

فی ۱۸ تموز سنه ۳۱۰

اوسب و ماتیس وارتین ایله بریجنگ وروزه

ولدان یسائیک بک اوغلنده فریدیہ محله سنده
فرون سواقاغنده اون الی نومرو ایله مرقم
متصرف اولدقلری عرصه یه انکلتزه دولتی
تبعه سندن لیری هانشاف بنت جون قادی نجاوزایله
ابنیه انشا ایتمکده اولدیغندن بختله مز بوره نیک منع
تجاوزی حقنده بک اوغلی بدایت محکمه سی ایکنجی
حقوق دائره سنده اقامه ایلدیکی دعوی اوزرینه
مز بوره لیری هانشاف قادی نحقنده غیباً صادر
اولان یوز الی نومرولی و ۱۷ ایلول سنه ۳۰۸
تاریخی اعلام موجبجه حکم اولمش و مذکور
اعلامک صورت مصدقه سی مز بوره نیک غیوبتی
جهتله اصول محاکات حقوقیه قانون موقتک
یوز فرق طقوزنجی ماده سی موجبجه محکمه
دیوانخانه سنه تعلیق ایدلمش اولدینی معلوم اولمق
اوزره اعلان کیفیته ابتدار قلندی .

فی ۱۲ تموز سنه ۳۱۰

(مطبعة عامر ده طبع اولمشدر)